




# KAKANAAPWACIKATEKIN KEKONAN MIINWAA AKI EKWA KAAPACICIKATEKIN KEKONAN PAYATE ISHIKIISHWEWIN MAMAW TIPACIMOWIN Ekii'oshiipihikatek kacakosich kiisis 2026



Ekwa Tashikeynw mikanakeynw kecinach kekonan tamayakiseanwon tokan aki kaynapacikatek okweniakw a-iywak naniyahik kakapeshiawch mikanak ekwa miinawaa cikich mikanak katananokiawch. ekwa oew kapimiinawaanakacicikatek aki miinawaa kekonan katakwakin kaapacikatekin, miinawaa kakanaapwacikatekin kekonan, nisitainwikate anin mikanakeynw ketocikemakak oma nekekamik, miinawaa anishinapeyw ishicikeynwan katocikatekin, miinawaa papamiyainwan ekwa shoniyakeyw macihtamasoinwan. ekwa okwenianw nanakacicikeynwan kekat peshikwan inanokimakanon oew oci aki kaapacikatek—tokan anishinapeyw ishicikeynwan, miinawaa kwashkwepicikeynw nanta kaye shoniyakeyw macicikeynw—ekwa amioew kwayak kaocinanakacicikatekin kekonan ahkikak. atika tokan, kishpin tashine apatak mikana oshki ocitamasoinwan kaocitakwanon tokan kwashkwepicikeynw miinawaa monaikeyw piapwikokeynw, sakoch apin taanwacikate a-iywashishak katashikeawch tapishkoch okwenianw tashikeynwan miinawaa okiitwek kasakitoacwin. Ekwa okwenianw kekonan kakanaapwacikatekin, tokan oshki macicikeynwan nanta kaacisek pikwatahkik, taociicwihiesweni anin kaishikanaapwatamoawch anishinapek ahkini miinawaa anishinapeyw kekonan ekwa kotakiyan ishicikeynwan katotamo'awch imaa otahkimoakw.

## Ezhinaagwak Akiing

### Enabadak Aki

Gabeshiwining miiwan onowe Waa-naanaagajichigaadegin gabeshiwiwinan gaye Albany River Provincial Park. Niiwinoon geyaabi gaa-naanaagajichigaadegin Little Current River, Otoskwini-Attawapiskat River, Nakine Moraine gaye Ogoki River Provincial Parks, gaye Area of Natural gaye Scientific Interest gichi-apiitendaagwadoon ogowe; Jobes Creek.

Bigwajaya’ii onowen gaye gidaa-bichi-boonii’igoo wii-kabeshiiyan, wii-wewebanaabiiyan, gaye andawenjigewin. Gaawiin ayaasinoon mechaagin gabeshiwining, Zhaaganaashi odibendaanan gemaa gaye gaawiin o’omaa da-andawenjigesim.

Omaa wiin endazhi-odaminong gabeshiwin mii omaa ge-dazhi-andawenjigeyamban, gaye gabeshiyan, miinawaa babaamishkaawin, gaye naabikwaanensiwi bimibizowin. Amiko Dakoniwewinini Ministry of Natural Resources (MNR) ginaanaagaji’ig nisidotaman izhichigewinan ayaamagad igo ge-dazhi-andawenjigeyamban. Minik gegoo ge-bagidinigooyan ji-ayaayan aabiding ningo-gikinoonowin MNR. Omaa endazhi-naanaagajichigaadeg, niizhing ayaamagad ge-andawenjigeyamban (1D and 17) gaye wewebanaabiiwin (2 gaye 3) Ayaawag debendamowaad andawenjige waakaa’igaansan gaye wewebanaabiiyan, ashi-nisinoon 13 ge-izhi-boonii’igooyamban wii-andawenjigeyan gaye wewebanaabiiwin Regional Study Area gaye ningodwaaswi omaa Local Study Area.

Anishinaabeg eta go da-wanii’igewag o’omaa Anishinaabeg odayaanaawaan wanii’igemazina’iganan gaa-gii-niigaanishkam. Niizhwaachinoon wanii’igewakiing waa-inamoog Miikana.

Da-maajitaamagad mooni’aabikwewin gaye giishkaakwewin. Ministry of Energy gaye Mines oga-naanaagaji’aa gaa-mooni’aabikwenid. Baatayiinawendaagoziwag waa-mooni’aabikwewaad omaa Regional gaye Local Study Areas, ogowe dibendaanaawaa mooni’aabikwewin Wabassi Resources. Amiko Dakoniwewininiwag onaanaagajitoonaawaa minik gii-kiishki’aakweng Forest Management Plans; da-dibenimaawag minik gii-kiishkamowaad Ogoki Forest Management Unit, izhaayan iwedi ipizon Painter Lake Miikana ayaawan gaye bakaan miikanan.

### Ezhinaagwak Noopimiing

Visual Environment Study Area gaawiin mashi aabadasinoon waa-dazhi-giishkaakweng, baatayiinowag omaa mitigoog, gaye zaaga’iganiin, gaye ziibiin. “Weweni” izhinaagwad o’omaa miziwe baatayiinad nibi, gaye gabeshiwining, gaye Marten Falls Ishkonigan, mino-naagwad omaa akiing gaawiin da-wanaajichigaadesinoon.

## Ge-izhichigaade Aki gaye Ge-dazhinjigaadegin Gwekichigewinan

Ekwa kaymwikananiakw miinawaa kinakwash kaiwapacikatek wo'ew tashikeyw miikana kaye piko taanwacikate aki miinawaa ketakiyan kekonan katakwakin oma nekekamik. Ekwa capashis masinahikateanwon kaye piko anwacikeynwan miinawaa ciconikatekin anwacikeynwan ekwa amiew okwenianw maawch keanokatekin eka napich ci-anwacikemakak omaa kicimikanakeynwik.

### Enaabadak Aki

Ge-dazhindamang	Ge-izhichigaadeg Aki	Ge-dazhinjigaadegin Gwekichigewinan
<b>Miikanang Ge-inamoog Ge-izhi-wiimaamoog</b>	<ul style="list-style-type: none"> <li>• Miiwag ogowe geganawedamowaad ezhichigaadeg aki Public Lands Act gaye the Far North Act; minik gegoo ge-bashko'igaadeg mitakamig.</li> </ul>	<ul style="list-style-type: none"> <li>• Gewiinawaa da-izhaamaawag Marten Falls First Nation ji-anokaadamowaad moonaa'abikweng nawaj geyaabi da-ayaawan moonaa'abikwaan giiikizhamog Miikana.</li> <li>• Owe danokiimaawaa Aroland First Nation zhaawanong inake miikana nawaj geyaabi gigikendamowaad Anishinaabewitwaawinan.</li> </ul>
<b>Ge-manajichigaadegin gaye Gabeshiwinan</b>	<ul style="list-style-type: none"> <li>• Mii omaa Ge-izhi-aazhawamog</li> <li>• Miikana Albany River Provincial Park Gabeshiwin, owe minik da-dagwamong 5.7 ha omaa gabeshiwining.</li> <li>• Da-ayaawan gegizhiiwewebidegin, da-baashkineyaabide, maagizhaa da-ozhimowag awesiinyag.</li> </ul>	<ul style="list-style-type: none"> <li>• Bangii eta da-giishki'igaasowag mitigoog ani-inamog gabeshiwining agwajiya'ii gabeshiwining dayendaawag.</li> <li>• Gaawiin da-onjigaadesinon bebakenakin miikanan.</li> <li>• Marten Falls First Nation da-wiindamaagewag minik eta geyaabadak miikana Gabeshiwining.</li> </ul>

<b>Ge-dazhindamang</b>	<b>Ge-izhichigaadeg Aki</b>	<b>Ge-dazhinjigaadegin Gwekichigewinan</b>
<b>Gakina Gegoo, Izhichigewin, Imaa Gabeshiwining</b>	<ul style="list-style-type: none"> <li>• Noopimiing gaa-inamog miikana, da-madaabiimon zaaga'iganiikaang.</li> <li>• Da-ayaawan ge-gizhiwewebidegin, da-baashkineyaabide, maagizhaa da-ozhimowag awesiinyag daawag.</li> <li>• Da-wendad ji-izhaang wewebanaabiigabeshiwining bagamamog miikana.</li> </ul>	<ul style="list-style-type: none"> <li>• Aazhoganan gaye da-ozhichigaadewan giigoonyag ji-wanishkwe'aasiwindwaa ge-inaadigewaad.</li> <li>• Bangii eta go da-giishka'igaazowag mitigoog baamaa dash da-azhe-gitigaazowag.</li> <li>• Ningo-biboon niigaan ji-dibaajimoyan wii-ozhitooyan wewebanaabiwigamigoonsan.</li> <li>• Gaa-miikanaagewaad oga-gaganoonaawaa' Amikodakoniwewininiwag Ministry of Natural Resources ji-dazhindamowaad giiosewin gaye dibaajimowinan da-agwaakwa'igaadewan miikana gaa-inamoog.</li> <li>• Geyaabi da-gaganoonaawag gaa-dibendamowaad gaye wewebanaabiwigamigoonsan.</li> </ul>
<b>Wanii'igewin</b>	<ul style="list-style-type: none"> <li>• Niizhwaaswo wanii'igewakiing minik dasinon ge-ani-inamoog Miikana ge-wanishkwejigemagakin awesiinyag endanakiwaad.</li> </ul>	<ul style="list-style-type: none"> <li>• Geyaabi dazhinjigaadewan andawenjigewin wanii'igewanishinaabeg ji-wiindamawindwaa apii geyaabadak Miikana.</li> </ul>
<b>Moona'aabikwewinan</b>	<ul style="list-style-type: none"> <li>• Da-wendadoon moona'aabikwewinan apii inamoog miikana.</li> </ul>	<ul style="list-style-type: none"> <li>• Gaa-miikanaagewaad oga-gaganoonaawaa' gaa-mooni'aabikwenid gaawiin omaa ji-moona'aabikweng waa-inamoog miikana.</li> </ul>
<b>Giishka'aakwewin</b>	<ul style="list-style-type: none"> <li>• Oga-na'itoonaawaa Painter Lake Road Miikana maagizhaa da-wanishkwe'aawag gaa-giishka'aakwewaad omaa Ogoki Forest.</li> </ul>	<ul style="list-style-type: none"> <li>• Weweni da-gaganoonindiwig ji-gikendamowaad waa-izhichigewaad Sustainable Forest Licence omaa Ogoki Forest.</li> </ul>

Ge-dazhindamang	Ge-izhichigaadeg Aki	Ge-dazhinjigaadegin Gwekichigewinan
<b>Ji-badakizowaad Mitigoog Waa-inaabiigamoog Waasigan</b>	<ul style="list-style-type: none"> <li>Gemaa gaye aanind geyaabi da-badakinaawag mitigoog jiigikana.</li> </ul>	<ul style="list-style-type: none"> <li>Gaawiin mashi gikendaagwasinooon waa-izhichigewaad.</li> </ul>

## Ezhinaagwak Noopimiing

Ge-dazhindamang	Ge-izhichigaadeg Aki	Ge-dazhinjigaadegin Gwekichigewinan
<b>Cultural Heritage Resources gaye Indigenous Experience gaye Sense of Place</b>	<ul style="list-style-type: none"> <li>Maagizhaa oga-wanishkwetoonawaan anishinaabeg gechi-apiitendamowaad</li> </ul>	<ul style="list-style-type: none"> <li>Maagizhaa da-wiimaamochigewag eyaagin gechi-apiitendaagwakin, gaawiin da-wanakong da-giishka'igaazosii mitig</li> <li>Da-wiiji'idiwag ji-gikendamowaad eyaagin gechi-apiitendaagwaking ji-ganawenjigaadegin gechi-apiitendaagwakin.</li> </ul>
<b>Endazhi-gabeshi Anwebiwin</b>	<ul style="list-style-type: none"> <li>Maagizhaa gaawiin da-bi-izhaasiwag gaa-ando-anwebiwaad, onzaam noongom bakaan izhinaagwakiban mewinzha.</li> <li>Da-giizhiiwewebidewan gegoo, da-baashkineyaabide maagizha da-ozhi'imowag awesiinyag, awiyag ge-bi-onji-izhaasigwaa omaa.</li> <li>Bakaan izhinaagwad mitakamig bimamog miikana gaye aazhoganan omaa Ogoki, Albany gaye gichi-ziibiinsan.</li> <li>Gaa-dibendamowaad wewebanaabiiwigamigoonsan oga-waabandaanaawaa bakaan noongom ji-naagwak aki.</li> </ul>	<ul style="list-style-type: none"> <li>Gaawiin babaamenjigaasosiiwag mitigoog (dibishkoo, andawenjigewin, wewebanaabiiwigamigoonsan).</li> <li>Agwajiya,'ii da-daawag gaa-anokaadamowaad miikana, bangii eta go da-bakaaninaagwad owe aki;</li> <li>Bangii gaye da-ayaawan bimosemiikanan gaawiin gaye bimibizomiikanan mii go bezhigwan geyaabi ge-izhinaagwak owe aki.</li> <li>Gaawiin awiya ji-wanashkwekamigizid gii-miikanaagewaad.</li> </ul>

Ge-dazhindamang	Ge-izhichigaadeg Aki	Ge-dazhinjigaadegin Gwekichigewinan
<b>Ge-manaajichigaadegin gaye Gabeshiwinan</b>	<ul style="list-style-type: none"> <li>Ozhichigaadeg Miikana, bakaan da-inaagwad omaa akiing.</li> </ul>	<ul style="list-style-type: none"> <li>Naasaab da-izhinaagwadoon aazhoganan ezhi-naagwak aki.</li> <li>Gaawiin da-bashkwa'igaadesinooon waa-ozhichigaadegin aazhoganan.</li> </ul>
<b>Gaawiin Da-babaamenjigaadesinooon Awiya Gaa-daawaad</b>	<ul style="list-style-type: none"> <li>Awiya gaa-daawaad gaye odaminowigamig endasingin waakaa'iganan, bakaan da-izhi-naagwad giiwitaaya'ii ishkoniganing.</li> </ul>	<ul style="list-style-type: none"> <li>Da-michi-jiishaandawe'igaazowag mitigoog waa-inamoog miikana.</li> </ul>

## Ge-izhinaagwak Giizhichigaadeg Miikana

Ekwa okwenianw aconikeynwan onacikeynwan kayapatakin, kishpin apin kaanwacikatekin kekonan akikak wo'ew mikanakeynw oci miinawaa kinwakash kayywapatak miikana pakosentakwan kwayak citocikatekin, cianokatekin miinawaa cianokatekin kekonan kakiishkosekin omaa kakitashiitwonaniakw.

### Enaabadak Aki

Owe da-minik 5.7 ha da-giishka'igaasowag mitigoog waa-inamoog Miikana omaa Albany River Provincial Park, da-ayaawan ge-zhiwebidegin anokaadamowaad miikana. Bakaan da-izhi-naagwad aki ozhichigaade miikana gaa-wewebanaabiwaad, oga-zhiingataanaawaan gaa-madwebidegin gaa-miikanaagewaad gaawiin minwendanziiwag noondamowaad wenashkwebidegin.

### Ezhinaagwak Noopimiing

Bakaan da-izhinaagwad noopimiing ozhichigaadeg miikana, bakaan da-izhi-naagwad jiigi-ziibiing Albany gaye Ogoki. Jiigi-aazhogan da-atewan aabajichiganan, mii owe bakaan izhi-naagwak gaawiin eta go omaa da-atesinooon aabajichiganan. Owe bezhig dazhinjigaade—ji-wanaajichigaadesinook ezhi-naagwak mitakamig, bangii eta da-ichigaadewan waasakonejigana omaa—da-babiiwaatewan waasakonejiganensan.

Gii-kiizhichigaadeg, miikana, da-azhe-nitaawiginooon gegoo. Ajina eta go bakaan da-izhi-naagwad miikanakewin, da-ani-miininaagwad miinawaa, da-ayaa miinawaa ge-dazhi-

andawenjigeng gaye nake anishinaabeg ezhi-andawendamowaad ji-izhi-naagwak dibishkoo mewinzha gaa-gii-izhi-naagwak aki.

## Miiwan Onowe Ge-meshkojinaagwakin Ozhichigaadeg Miikana

### Enaabadak Aki

Cumulative Effects Assessment Mazina'igan gaye Land Aki gaye Resource Use wanii'igewakiin da-wanishkwejigaadewan inamoog Miikanan gaye Northern Link Road Miikana. Niswi wanii'igewakiin da-wanishkwechigaadewan. Onowe GE153, GE154 gaye GE157.

Giishpin wii-waabandaman, gaa-dazhi-wanii'igeng inaabin 5-2 omaa Land gaye Resource Use Technical Support Document:

Mii owe Noongom Ezhi-naagwak omaa Akiing Aanind awesiinyag da-wanishkwe'aawag endaawaad, da-wendanziiwag gaa-wanii'igewaad ji-babaa-ayaawaad, miiwan onowe ge-izhichigemagak Miikana inamoog. Waa-inamoog miikana agaasendaagwad mangisinoon wanii'igewakiin gaawiin igo aapiji gegoo da-bakaaninaagwasinoon.

### Ezhinaagwak Noopimiing

Cumulative mazina'igan gaye Visual Environment gaawiin owe gegoo apiitendaagwasinoon mazina'igan, waasa noopimiing ogayaabajitoonaawaan gaa-gii-ikidoyang ogayaabajitoonaawaan gaa-gii-ozhibii'igaadegin (owe wiin igo bezhig aazha gaa-gii-dazhinjigaadeg waasakonejiganensan) da-betaadewan ji-ozhimosigwaa awesiinyag.



## Awashime na kiwiikikentan?

Giishpin nawaj geyaabi gegoo wii-gikendamang, weweni gidaa-agindaan ji-gikendaman Aniin Ge-meshkojishkaag / Gidakiiminaang Mazina'igan.

### Kekanonach Wiintamakewinan

Kinantomiko ima cishayan akwaaahkiink tashiikewinik miikana kapimanokiitamowach anapii piko wiikakweteyan kayema wiipakitinaman ikitowin.

Piiwapikonk: [eaisinput@martenfallsaccessroad.ca](mailto:eaisinput@martenfallsaccessroad.ca)

Kitowinik: 1-800-764-9114

Piiwapik: [eais.martenfallsaccessroad.ca](http://eais.martenfallsaccessroad.ca)

